



Broj: 02-05-3054/18  
Trnovo, 19.10.2018. godine

Na osnovu člana 70. Zakona o javnim nabavkama („Službeni glasnik BiH“, broj 39/14), a na Preporuku Komisije za provođenje postupka javnih nabavki broj 02-05-3054/18 od 19.10.2018. godine, u postupku javne nabavke radova – Sanacija, rekonstrukcija i zaštita puta Babin Do-Šabići-Sinanovići, dionica Bijele vode -Šabići, Općinski načelnik je d o n i o

#### **ODLUKU**

#### **o izboru najpovoljnijih ponuđača za nabavku radova – Sanacija, rekonstrukcija i zaštita puta Babin Do-Šabići-Sinanovići, dionica Bijele vode -Šabići**

##### Član 1.

Prihvata se Preporuka Komisije za provođenje postupka javnih nabavki, broj: 02-05-3054/18 od 19.10.2018. godine i ugovor za javnu nabavku radova **Sanacija, rekonstrukcija i zaštita puta Babin Do-Šabići-Sinanovići, dionica Bijele vode -Šabići**, dodjeljuje se ponuđaču **MGBH d.o.o. Sarajevo, Lužansko polje 7., Ilidža, ponuda broj 109-P/18 od 9.10.2018. godine, za ponuđenu cijenu nakon održane e-aukcije u iznosu od 248.450,46 KM, bez PDV-a**, kao najpovoljnije ocjenjenog ponuđača.

##### Član 2.

Prijedlog ugovora o nabavci dostavit će se na potpis izabranom ponuđaču, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

##### Član 3.

Za izvršenje ove odluke zadužuje se i ovlašćuje nadležna služba Općine.

##### Član 4.

Ova odluka objavit će se na web-stranici [www.trnovo.ba](http://www.trnovo.ba), istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

##### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

#### **Objašnjenje**

Postupak javne nabavke pokrenut je Odlukom o pokretanju postupka javne nabavke broj: 02-05-3054/18 od 20.9.2018. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 249.572,65 KM.

Obavijest o nabavci broj: 886-1-3-62-3-65/18 na Portalu javnih nabavki objavljena dana 21.9.2018. godine.

Komisija za provođenje postupka javnih nabavki dostavila je dana 20.8.2018. godine izvještaj o radu broj: 02-05-3054/18 od 19.10.2018. godine, izvještaj o ocjeni ponuda, izvještaj o toku i završetku aukcije i Preporuku o izboru najpovoljnijeg ponuđača broj: 02-05-3054/18 od 19.9.2018. godine, u postupku javne nabavke radova- **Sanacija, rekonstrukcija i zaštita puta Babin Do-Šabići-Sinanovići, dionica Bijele vode -Šabići**.

U postupku po izvješću o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4,
- da je blagovremeno zaprimljeno 4 ponuda.
- da je neblagovremeno zaprimljena 0 ponuda.
- da su ponude ponuđača prihvatljive.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

E aukcija je zakazana i održana na dan 18.10.2018. godine na kojoj nije bilo promjena cijena u odnosu na one pročitane na javnom otvaranju:

| R.br. | PONUĐAČ  | Početna cijena bez PDV-a | Konačna cijena bez PDV-a |
|-------|--|--------------------------|--------------------------|
| 1.    | D.o.o. Dolovi Sokolac, Marka Ećimovića 84.                               | 266.046,63               | 248.700,00               |
| 2.    | Braća Mujić export-import d.o.o. Sarajevo, Džemala Bijedića 212., Ilidža | 273.616,46               | 273.616,46               |
| 3.    | MGBH d.o.o. Sarajevo, Lužansko polje 7., Ilidža                          | 260.460,41               | 248.450,46               |
| 4.    | Grakop d.o.o. Kiseljak, Gromiljak b.b.                                   | 249.547,95               | 249.547,95               |

Rangiranje ponuđača po održanoj e-aukciji a po kriteriju najniže cijene, kako slijedi:

| R.br.     | PONUĐAČ  | Rangiranje ponuda prema kriteriju za izbor ponude bez PDV-a |
|-----------|--|---|
| <b>1.</b> | <b>MGBH d.o.o. Sarajevo, Lužansko polje 7., Ilidža</b>                   | <b>248.450,46</b>   |
| 2.        | D.o.o. Dolovi Sokolac, Marka Ećimovića 84.                               | 248.700,00  |
| 3.        | Grakop d.o.o. Kiseljak, Gromiljak b.b.                                   | 249.547,95  |
| 4.        | Braća Mujić export-import d.o.o. Sarajevo, Džemala Bijedića 212., Ilidža | 273.616,46  |

Ponuđači su rangirani primjenjujući kriterij najniže cijene, na osnovu kojih je utvrđen i njihov sukcesivni red, odnosno od najuspješnijeg ka najmanje uspješnoj.


Na osnovu naprijed navedenog, odlučeno je kao u članu 1. Odluke.

#### POUKA O PRAVNOM LIJEKU

Protiv ove odluke može se izjaviti žalba u roku od deset dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.


IZRADIO:

Adel Koso



KONTROLISAO

Hamza Kadrispahić



Dostavljeno:

1. Ponuđačima
2. U spis predmeta

Općinski načelnik  
Ibro Berilo

